

फूल गजरों ने माँ रो हार गजरों,
फूल गजरो ने माँ रो हार गजरो,
गूंथी रे मालनीया लायी फूल गजरों ।।

सुन्धा माँ रा हाथा सोवे फूल गजरों,
सुन्धा माँ रा हाथ सोवे फूल गजरों,
रंग रंगीला फूल छायो हार गजरों,
रंग रंगीला फूल छायो हार गजरों,
फूल गजरो ने माँ रो हार गजरो,
सुन्धा माँ रा हाथ सोवे फूल गजरों ।।

चम्पा चमेली मोगरा केवडो,
चम्पा चमेली मोगरा केवडो,
ओर गुलाल घेरो छायो हार गजरों,
ओर गुलाल घेरो छायो हार गजरों,
फूल गजरो ने माँ रो हार गजरो,
कुलदेवी रे हाथा सोवे फूल गजरों ।।

ब्राम्हणी माता रो देवल जोर जबरो,
ब्राह्मणी माता रो देवल जोर जबरो,
चितौड़ री धनीयानी सारे काज सगलो,
चितौड़ री धनीयानी सारे काज सगलो,
फूल गजरों ने माँ रो हार गजरों,
बाण माता रे हाथा सोवे फूल गजरों ।।

हे आबू पर्वत अदर ज्यारो देवरो,
आबू पर्वत अदर ज्यारो देवरो,
अर्बुदा माता री महर राखे साथरो,
अर्बुदा माता री महर राखे साथरो,
फूल गजरो ने माँ रो हार गजरो,
अदर देवी हाथा सोवे फूल गजरों ।।

हे गाज गाजण आया धर्मधारी मगरो,
गाज गाजण आया धर्मधारी मगरो,
सारे मैया काम कलयुग मे सबरो,
सारे मैया काम कलयुग मे सबरो,
फूल गजरो ने माँ रो हार गजरो,
गाजण माता हाथा सोवे फूल गजरों ।।

झांजन झनकार वेगा आवजो ओ माता,
आवो आंगनीये मारे आज,
ओ मैया रानी आवो आंगनीये मारे आज,
ओ मैया थारी घणी कराला मनवार,
झांजन झनकार माता आविया रे,
मैया आया भगता रे द्वार,
ओ अर्बुदा रानी आया आया भगता रे द्वार,
ओ मैया थाने मोतीडा सु लेवु रे बधाय ।।

लाल चुनडी ओडने माता,
आवो आंगनीये मारे आज,
ओ मैया रानी आवो आंगनीये मारे आज,
ओ माता रानी घणी कराला मनवार,
ओ माता रानी घणी कराला मनवार,

चित्तौड़ गढ सु उतरीया ओ माता,
झांजन रे झनकार ओ मैया रानी,
ओ मैया रानी आवो आंगनीये मारे आज,
ओ मैया रानी थाने मोतीडा सु लेवु रे बधाय ।।

सज सोलह सिंगार भवानी,
आवो आंगनीये मारे आज,
ओ मैया रानी आवो आंगनीये मारे आज,
ओ मैया थारी घणी कराला मनवार,
नाडोल गढ सु आया भवानी आया,
आया भगता रे द्वार,
ओ मैया रानी आया आया भगता रे द्वार,
ओ मैया रानी थाने मोतीडा सु लेवु रे बधाय ।।

गायक प्रकाश माली जी ।
प्रेषक मनीष सीरवी
9640557818

Source: <https://www.bharattemples.com/phool-gajaro-re-marro-hir-gajaro/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZJyhhKzSUD-Lt9Tw>